



Broj: 02-11-1378-7/21

Fojnica: 03.10.2022. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama BiH („Službeni glasnik BiH“, broj: 39/14), člana 39. Statuta općine Fojnica – Prečišćeni tekst („Službene novine općine Fojnica“, broj: 2/15), a u vezi s preporukom Komisije za javne nabavke, broj: 02-11-1378-6/22 od 26.09.2022. godine, načelnik Općine Fojnica, donosi

ODLUKU o izboru najpovoljnijeg ponuđača

Član 1.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za izvođenje radova na „Rekonstrukciji izvorišta i rezervoara u MZ Bakovići, općina Fojnica“, evidencijski broj: 02-11-1378/22, broj Obavještenja o nabavci sa portala javnih nabavki: 546-7-3-37-3-20/22 od 01.09.2022. godine i ispravka obavještenja o nabavci, broj: 546-7-3-37-8-21/22 od 14.09.2022, kao najbolje ocjenjena ponuda je ponuda ponuđača CESTE COMPANY doo. Kiseljak, sa ukupnom cijenom ponude bez PDV-a, nakon provedene E-aukcije, u iznosu 25.897,00 KM.

Član 2.

Ponuđač iz člana 1. ove odluke ocijenjen je kao najpovoljniji, jer ispunjava uslove postavljene Tenderskom dokumentacijom, a u skladu sa kriterijem za dodjelu ugovora (najniža cijena), nakon održane E-aukcije, ponudio je najnižu cijenu.

Član 3.

Ova odluka stupa na snagu danom donošenja i objavit će se na web stranici općine Fojnica u skladu sa članom 70. stav 6. Zakona o javnim nabavkama BiH, istovremeno s upućivanjem iste svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke radova „Rekonstrukcija izvorišta i rezervoara u MZ Bakovići, općina Fojnica“, pokrenut je Odlukom o pokretanju postupka javne nabavke, broj: 02-11-1378/22 od 29.08.2022. godine. Javna nabavka je provedena putem Konkurentskog zahtjeva sa namjerom provođenja E-aukcije.

Ukupna procijenjena vrijednost nabavke iznosila je 29.900,00 KM bez PDV-a. Obavijest o nabavci poslana je na objavu 01.09.2022. godine, te je istog dana objavljena na portalu Javnih nabavki pod brojem: 546-7-3-37-3-20/22.

Tendersku dokumentaciju je preuzelo 12 (dvanaest) privrednih subjekata, dok je 6 (šest) privrednih subjekata preuzelo ispravku tenderske dokumentacije. Dva ponuđača su dostavila ponude u predmetnom postupku nabavke, ponude su blagovremeno stigle. U skladu sa provedenim predmetnim postupkom javne nabavke ponude su dostavili sljedeći ponuđači: JKP „ŠĆONA“ doo Fojnica i „CESTE COMPANY“ doo Kiseljak.

Ugovorni organ je shodno odredbi člana 4. Pravilnika o načinu korištenja E-aukcije („Službeni glasnik BiH“, broj:66/16), zakazao E-aukciju za dan 23.09.2022. godine sa početkom u 14:00 sati.

Nakon provedene E-aukcije, komisija je dostavila Općinskom načelniku Zapisnik o pregledu i ocjeni ponuda, broj: 02-11-1378-6/21 od 26.09.2022. godine sa preporukom o izboru najpovoljnijeg ponuđača, „CESTE COMPANY“ doo Kiseljak sa sjedištem u Kiseljaku, ulica Kralja Tomislava br. 4.

U postupku donošenja ove odluke, posebno je cijenjena činjenica, da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu naprijed navedeno odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke svaki od ponuđača koji je učestvovao u postupku predmetne nabavke može izjaviti žalba Uredu za razmatranje žalbi Bosne i Hercegovine putem Ugovornog organa – Općine Fojnica u pisanoj formi najkasnije u roku od 5 dana od prijema ove Odluke.

Dostaviti:

- Svim ponuđačima u postupku
- Komisiji za javne nabavke
- A/a

**OPĆINSKI NAČELNIK**
Sabahudin Klisura dipl.ing.